

ILUARSIISSUT

Iluarsiissut 23. november 2020-mik ullulerneqarsimasoq taarserpaa
(Naalackersuisut allannguutissatut siunnersuutaata imarisaanut nassuiaat kalaallisoortaani
iluarsineqarpoq. Inuit Ataqtigiit ikinnerussuteqarlutik oqaaseqaataat ilanngunneqarpoq)

**Uunga siunnersuut: illuliortiternernut aningaasalersuineq pillugu Inatsisartut
inatsisaata allanngortinneqarnissaa pillugu Inatsisartut inatsisaat nr. xx af xx. xxx 2020
(Nutaanik inissialiornissamat taarsigassarsiarititat taamaallaat inunnt
taarsigassarsiaritinneqartassapput aammalu inissiamut ataatsimut taamaallaat
taarsigassarsisinnaallutik)**

Ineqarnermut Attaveqaqtigiinnermullu Naalackersuisumit siunnersuutigineqartooq

Pillugu**Sanaartornermut ataatsimiititaliap****ILASSUTITUT ISUMALIUTISSIISSUTAA****Siunnersuutip aappasaanneerneqarnerani tunniunneqartooq**

Ataatsimiititaliaq suliarinninnermini ukuninnga inuttaqarpoq:

Inatsisartunut ilaasortaq Justus Hansen, Demokraatit, siulittaasoq

Inatsisartunut ilaasortaq Aqqaluaq B. Egede, Inuit Ataqtigiit, siulittaasup tullia

Inatsisartunut ilaasortaq, Erik Jensen Siumut

Inatsisartunut ilaasortaq Nikkulaat Jeremiassen, Siumut

Inatsisartunut ilaasortaq Pele Broberg, Partii Naleraq

Siunnersuut aappasaaneerinninnerup kipitinneqarnerata kingornatigut ataatsimiititaliap
inassuteqaatai paasiumallugit ataatsimiititaliamut suliareqqitassanngorlugu
innersuuteqqinneqarpoq. Ataatsimiititaliaq paasissutissanik allanik aalajangiinissamat
tunngavissiisummut tapertaasinnaasunik ilassutitut isumaliutissiisummik
saqqummiussinnermut atugassaminik pissarseqqissimangilaq.

1. Ataatsimiititaliap oqaaseqaatai inassuteqaataalu:

Naalackersuisut allannguutissatut siunnersuummik saqqummiussipput, tassani § 9b, imm. 2-mi
aalajangersakkami qaammatinik arfinilinnik piffissaliineq qaammatinut aqqaneq marlunnut
allanngortinneqarpoq.

Ataatsimiititaliap allannguutissatut siunnersuut pillugu oqaatigissavaa, inissianik
taarsigassarsititsinissamik neriorsuutitalinnik tunisisunut pisisunullu iluaqutaanissaa
naatsorsuutigineqartumik naaperiaasoqarpoq.

Ataatsimiititaliaq tamanna tusaatissatut tiguaa.

Ataatsimiititaliap isumaqatigiittup Naalakkersuisut allannguutissatut siunnersuutaata akuersissutigineqarnissaa inassutigaa.

Immikkoortoq 24-imut Inuit Ataqtigiit ikinnerussuteqarlutik oqaaseqaataat

Siunnersuut siullermeerneqarmat suliaq pitsaanngitsumik suliarineqarpoq. Aappassaaneerinninnerlu unitsikkallarlu suliassaq ataatsimiititaliamut uterteqqinneqarnissaa Inatsisartunut ilaasortat aalajangiuppaat.

Erseqqissarlara Inuit Ataqtigiit siunnersuut pineqartoq pillugu isumaliutissiissut ataatsimiititaliamit isumaqatigiittumit akuerineqarsinnaasunngorlugu suliarineqarmat. Tamatuma kingorna paasitinneqarpugut ataatsimiititaliap isumaliutissiissutaa pillugu naalakkersuisooqatigiit Ineqarnermut Naalakkersuisoq peqatigalugu isumaliutissiissummik allanngortitsinermik kinguneqartumik suliaqarsimasut. Tamanna ataatsimiititaliap ataatsimiinnerisa avataani pivoq.

Ataatsimiititaliap siulittaasua tamatsinnut ima allagaqarpoq, issuaavunga:

”Immokkoortup 24-ip 23 november 2020-mi aappassaaneerneqarnissaa tallimanngornermi ulloq 27. november pingajussaaneerneqarnissaa Siulittaasoqarfimmumt ullumikkut ataatsimiititaliap allakkatigut qinnutigippagu, siunnersuut katersuunnermi matumani naammassineqarsinnaagaluarpoq. Larl Frederik Danielsen siunnersuummi qaammatit arfinillit aqqanilinnut allanngortinneqarnissaat akuersissutigaa, tamatumani, ippassaq ataatsimiinitsinni utertinneqarnissaanik oqaluuserinninnerput aalajangiarpullu pisariaarutissaaq.”

Issuaaneq naavoq.

Ataatsimiititaliap siulittaasuata allagai uppersaataapput inatsisartut ataatsimiititaliaata ataatsimiinnerisa avataasigut naalakkersuisooqatigiit isumaliutissiissummik suliaqarsimasut, naak tamanna inertequtaagaluartoq.

Aappaattut, ataatsimiititaliap siulittaasuata uppersarpaa ataatsimiititaliami suliassat matoqqasut pillugit Ineqarnermut Naalakkersuisoq isumaqatiginninniarfigineqarsimasoq, malugalugu, ataatsimiititaliap suliai pillugit, kisianni ataatsimiititaliaq avaqqullugu. Suliassat matoqqasut anninneqarsimapput.

Pingajuattut, tamanit naluneqanngilaq Naalakkersuisoq kinaluunniit Inatsisartut ataatsimiititaliaasa sulinerannut akuleruttussaanninnera, sunniiniartussaanninnera, allannguinarluniluunniit paasissutissanik pisortatigoortumik iliuuseqartussaanninnera pisussaaffiuvoq. Matumanili Naalakkersuisup ataatsimiititaliap ataatsimiinnerata avataasigut Naalakkersuisoq isumaliutissiissummik allanngueqataasimasoq uppersaatissaqartippaput allakkatigut. Tamanna assut ilungersunartutut Inuit Ataqtigiit isigaarput.

Inatsisartut Ineqarnermut ataatsimiititaliaani ilaasortat ataatsimoortut avaqqullugit, pisortatigoortumillu ataatsimiinnerit avataasigut qinikkat ataasiakkaat imminersuutigisaminnik suliaqarsinnaatitaanngillat, pingaartumik Naalackersuisumik peqateqarluni isumaliutissiissutissat naammassereernikut allanngortiternerannik kinguneqartumik iliuuseqarsinnaatitaanngillat.

Inuit Ataqatigiit siunnersuut isumaqatigaarput. Isumaliutissiissut partiit ataatsimoorfigisaat isumaqatigininniarnivullu pisortatigoortumik ingerlanneqartut isumaqatigaagut. Isumaqaataanngilagulli sakkortuumik, naalackersuisooqatigiit Naalackersuisuutitartik peqatigalugu Ataatsimiititaliap suliai matoqqasut pillugit, illua-tungiliuttut ilisimanngisaannik torsuusami aalajangersaanernik ingerlataqarsimanerat pillugu.

Isornartorsiunerit aammalu pisut ilungersunartut pillugit immikkut ittumik ataatsimiipallalaarnissatsinnik noqqaalluta Inuit Ataqatigiinniit kissaateqarsimagaluarput. Tamanna pillugu Siumut aamma Demokraatit tungaanniit akissuteqartoqanngilaq. Aalajangersakkat malinneqartussaapput. Suleriaaserput malinneqartussaavoq. Inuit Ataqatigiit peqquneqarpugut pissuserissaartumik suliassaq una malinneqassasoq. Pissuserissaarnissaq aamma naalackersuisooqatigiinnut atuutsinneqassanersoq apeqquserneqarsinnaanngilaq.

Inuit Ataqatigiit isumaqatiginngilarput suliassat matoqqasut ilaasortaaqatitsinniit aniatinneqarsimmata.


Inuit Ataqatigiit isumaqatiginngilarput Ineqarnermut Naalackersuisup ataatsimiititaliaq tamakkiisoq sullinnagu naalackersuisooqatigiinni ataatsimiititaliamut ilaasortaatitaasut kisiisa isumaliutissiissummik allannguineramik kinguneqartumik suleqatigisimammagit, malugalugu ataatsimiititaliap ataatsimiinnerata avataani.

Siunnersuutip isumaqatigiiffiusup pisussaaffiit avaqqullugit suliarieqarsimanagera akuerinagu Inuit Ataqatigiit ikinnerussuteqarlutik oqaaseqaataat saqqummiuppara. Kissaatuigaarput siunnersuut pingajussaaneertinnagu ataatsimiititaliamut uterteqqinneqarnissaa.


Taamatut oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappassaanniigassanngortippaa.



Justus Hansen
Siulittaasoq




Aqqaluaq B. Egede
Siulittaasup tullia



Erik Jensen



Nikkulaat Jeremiassen



Pele Broberg